

逆證

痘未出而聲啞喉者不治已出五日內見者亦不治
痘起脹貫漿時抓破無血或清水或乾燥者不治
未出已出而神昏氣促躁亂不寧者不治

漿水米粒不入口或飲食噎喉者不治

眼內黑珠起浮油混睛者不治

肌肉黎黑如被杖者不治

眼色神光不明珠色轉綠轉赤者不治

痰涎壅盛氣急者不治



吐泄不止藥食俱不停不化直下肛門如竹筒者不治

閉目昏睡舌卷囊縮者不治

胃熱發黃身如橘色下利者不治

頭溫足冷悶亂飲水者不治

痘初出卽青晦焦黑者不治

蜜如蚕種全不起發平片花搭者不治

痒瘍寒熱不止不治

舊有瘡瘍走漏氣血敷藥不效者不治

痘後傷風傷食肌肉瘦脫者不治



天柱不舉者不治

坐立不能者不治

兩目失神者不治

面赤如腫者不治

一齊湧出者不治

發藍黑斑者不治

不分顆粒者不治

倒出者不治

動靜恍惚者不治

出而復沒者不治

見點犯凶部者不治

已放白而無紅暈者不治

熱不一日卽見點者不治

堅硬如砂無紅暈者不治

發漿不過環跳者不治

肉腫痘不腫者不治

如蚕種稠密或更頂陷毒盛而脾不勝載者不治



南京中醫藥大學圖書館藏
1654

中空外散如蚊蚋咬者不治

頭粒正赤四圍如淡硃點在紙上者不治

口角邊有兩道青氣繞唇者死不治

放點面上有三四粒如錢大者不治

人中一粒比衆痘獨大者不治

惡寒身冷汗出耳尻反熱者不治

按上不治二字須活看本意謂症不可治聶久吾云惟其症逆正需醫治謂黃西邱意在圖利又恐壞名故出此不仁之言貽害於世斯言過矣愚謂治之亦間有得生者主家信任果專醫家不必固執寧救之而不活不可棄而不救也病家亦不可冒昧而只知罪匠也



發熱逆症

發熱先發驚搐或日發三五次或連日不止痘出多而密者凶兆也 若一二次而隨止者痘出心經也吉

發熱時熱甚汗多忽出忽止或不止者凶汗少隨止者吉

發熱時用紙條點照之如周身有成塊紅者八九日後必死

發熱一日卽偏身齊出或稠密如蚕種或摸之不得手者必死



發熱時腸中大痛腰如被杖至報點而痛猶不止者必

死

發熱時頭面上有一片紅如胭脂者八九日後決死

發熱時口鼻及大小便俱失血者必死

發熱時妄見妄語昏不知人者死

發熱時腹脹而痛大叫不止者死

發熱三日內熱忽退反煩躁悶亂坐卧不寧此外雖涼

而內却熱也若手足冷腹脹氣喘者卽死

見點逆症



痘點上身少下身多者吉反是者必險

痘出之初三五相連者必密單見者必稀

發熱一日便見者凶或一齊湧出如蚕種密布者決死

痘點先見於太陽額角髮際天庭或山根以上等處此

陽毒上侵陽位大非吉兆

痘初出紫色紅片者名紫雲痘四日死

痘初出當頂紅者六七日死

痘出皮薄而光根窠全無紅色或根帶一點紅三五日

後如綠豆樣此痘決不成膿只成一胞清水擦破卽死



痘出一遍又出一遍心腹痛不止口氣臭色紫黑者必

死

痘色紅而艷皮肉盡紅者必不成膿痒癩而死

痘不起頂如湯泡及燈艸火燒者十日後必痒癩而死

見點時有黑斑如痣或肌肉有成塊黑者卽死

見點時口鼻及耳有紫色者或血出不止者決死

報痘之時應出不出或起紅斑如蚊跡者六日後死

報痘時腰腹痛或狂言煩躁大渴吐泄不食者俱不治

痘已出齊而身熱不退反甚者死



痘齊之後毒已外達內當安靜反見煩躁悶亂譫妄不止者此邪毒熱盛神機無主也必死

起脹逆症

痘形雖起而色見灰白腫如湯餅者其人能食便調無他痘者猶或可治若不能食或吐利或搔痒者死
痘出至五六日不甚起發色又不紅活者九死一生也
起脹三日已足痘色滿頂紅紫者凶面目腫甚者亦凶
起脹時痘頂有眼如針孔紫黑色者死
起脹時隨起而隨沒并發喘者卽死



南京中醫藥大學圖書館版權所有

起脹時紫色刺出黑血如屋漏水者死

起脹時痘頂便帶白漿者不分何部並非佳兆

貫膿逆症

貫膿時紅紫黑色外剝聲啞者不治

貫時純是清水皮薄而白如水泡者三四日必抓破而

死

膿不能貫而乾枯黑陷或全無血水者卽死

頭面腫大搔破臭不可近者并足冷者決死

吐利便血乳食不化痘爛無膿者決死



貫時二便不通腹脹肉黑發斑譫語氣喘寒戰咬牙者
死回漿時漸當蒼黑收歛而反光嫩不歛此氣血兩虛
必發痒搔破而死

漿未成忽然乾收或青紫焦黑者死

貫時忽然作痒正面搔破皮脫肉乾者死

諸痘有漿而天庭不起或額上如沸湯澆破臭連兩頰
水去而乾似靨非靨者死

結痂逆症

當靨時偏身臭爛目無神氣者死

偏身發痒搔破無膿皮捲如痘壳而乾者決死

唇時無膿氣急聲啞或手足顫掉寒戰咬牙腹脹
足冷過膝小便少大便頻者皆死

兩臉乾硬按之如石者死

收回時飲食不進口中常如食物動而不止者死

面部未回而腳先回者陰勝陽也危

偏身俱回內留數粒不結痂者死

同時偏身未見膿成而唇口上下痘先黃熟者毒攻於

脾也決死



未結痂而口唇腐爛及口白到舌者危

收結時前後有紅紫泡者不治

落痂後逆症

痂雖落而疤如雪白無血色者氣血盡脫也若不急培元氣過後必死

痂落後每發驚而神無所依者心氣絕也危

痂落後手足顫掉咬牙目閉腹脹足冷過膝者不治

痘本乾燥膿少痂雖結而疤白者或有餘熱不退者雖過一月亦死



南京中醫藥大學圖書館版權所有

服一日水

本海藥類少熱難起而強自赤短有餘熱不

服將對平且腫熱起平且悶熱起平且熱熱者不

服將對平且腫熱起平且悶熱起平且熱熱者不

服將對平且腫熱起平且悶熱起平且熱熱者不

服將對平且腫熱起平且悶熱起平且熱熱者不

服將對平且腫熱起平且悶熱起平且熱熱者不

服將對平且腫熱起平且悶熱起平且熱熱者不

服將對平且腫熱起平且悶熱起平且熱熱者不



費氏大黃論

客問曰伏火伏毒非清解之能事攻之固不能已然大黃之力斬關奪門爲蕩滌之將元梟毒火當之尙爾退聽於氣血則獨無所虧乎氣血若虧孰爲領載孰爲化解而始終其功也予曰不然有病則病受病受其藥則銷鎔在邪毒邪毒銷鎔則氣血不爲邪毒桎梏而融通灌溉於痘矣不第於氣血無損正以救護氣血之地也邪正相乘一負則一勝負旣在此則勝自在彼但當衡其輕重所重在補養正則邪自除所重宜攻驅邪則正



自復何虞氣血之受損乎

石膏論

石膏號爲白虎湯火泡燃桐油調擦痛卽如失寒可知也痘爲先天毒火火而濟之以毒其猛烈更如何也若痘係熱症內煎熬而外沸騰五內之地輕則恣其銷燬重則爲其焦枯非此大寒不足濟其烈火至用之中與不中數之或多或寡又視乎用葯者之學問耳藉令泥古方拘日期論劑數則誤矣

論猪尾血

諸血皆補惟此血最活動而善搜剔凝結之瘀血本載
毒者也瘀則連血亦爲毒血矣一有瘀血并周身之血
悉爲此毒攝伏而不得灌輸于痘故痘有空壳者有與
肉色一般者此痘之最惡者也其次則乾紅晦滯紫艷
乾焦蚤斑蚊跡一皆內瘀之符也緩則桃仁紅花赤芍
亦能取效迫則必需于此血尾尖取其活動下流之義
得冰片開洩腠理通達內外內結散而外滯疏此瘀一
活則周身之血皆得灌輸於痘而立轉紅活矣輕必蓋
許重必四五蓋方可取效少則無益者也